



IKUALA
INNERUP INUA

**INNEQ NUKIMMIK PILERSITSISARPOQ
KIASSAASARLUNILU, KISIANNI AAMMA
IKUALLATSITSISINNAAVOQ
ASERUISINNAALLUNILU. INNERUP INUATA
INNEQ AQUPPAA IKUALLATTUNILLU
AKIUNIARNITSINNI IKIORLUTA, TAAMAALILLUNI
UUMASUT INUILLU NAJORTAGAAT
PINGAARUTILLIT
AJOQUSINNGINNIASSAMMATA.**

**QUPPERNERIT TULLIINI IKUALA PILLUGU
OQALUTTUAQ TUSASSAVAT
– SSSH! TUSARNAARLUASSAVAT!**

IKUALA, INNERUP INUA

Ikuala ullut ilaanni silaannarmi timmivog pinguarluni. Pinguarumatuujuvog inua nuannaartuulluni qaqqanit portunerpaaniit kangerlummi immap qaarpiaanut nakkaqattaarnej nuannarisaralugu. Innerup aqunnissaanut angakkuarsinnaavoq, kisianni qaqutiguinnaq atortarlugu. Tassami pinguarneq nuannarineruaa.

Ulloq taanna tulukkat marluk pinguaqatissarsiarisimavai. Kangerluup anoraata anoraasuanerani sakkortuumik teqqalapput sukkaoorujussuarmik ammuinnaq aarsaartarlutik, qummuinnarlu qaqqat qulaallugit qangattaqqit-larlutik imminnut attortaatiitigalutik. Ikualap timmissat pinguaqatigisinnaagamigit nuannarisorujussuuaa, aammalu pingortitaq pinguarfissarpassuaqarmat nuannaartorujussuuvog. Inuat allat meeraasaarnerartuar-tarpaat, pissutigalugu quiasaarisuaannartarmat nuann-ersunillu isumassarsisuaannartarluni. Ikualap tamanna taaguutaalluarsora, tassami pinguarneq nuannersunillu perulluliorneq nuannarilluinnararmiuk.

Tulukkat marluk taakkua Ikuala qanillilluinnarlugu tim-mippit aperalugulu nuannersunik misilitaqarusunnersog. Ikuala taamaaliorusuttorujussuuvog. Taava qummuinnaq qummuinnaq qummuinnaq timmippit nillerluinnartumut pinissami tungaanut aammalu Ikualap anersaartornini ersarilluinnartumik takusinnaalerlugu. Taava tulukkat kil-lormut saapput siggutik ammuinnaq saatillugit. Ammuin-naq nalunaaquttap akunneranut kilometerit hunnorujut arlallit sukkaasuseqarlutik timmippit Ikuallu malugi-sinnaavaa anorlenera pissutaalluni isini immassimasut. Immap qaavanut apuutiliivillutillu tulukkat sanimuinnaq timmippit sukkaoorujussuullutillu immap tungujortup qaavatigut aarsaarlutik.

Kusanartorujussuuvog nuannersorujussuullunilu. Ikualap imaq tungujortoq sukkaasumik qulaallugu timmiffigisartik qivarpaa. Immami tarrani takusinnaavaa, qungujupporlu aammalu pinguaqatigineqarusunnini iluarusuutigalugu.

Pequerlutik pinguaeramik Ikuala tulukkat marluk peqatigalugit qeqertanngumut mippit. Tamarmik uningapput eqqissisimaalaarlutillu, nunami aalaakkaasumi tummarnertik iluarusuutigalugu. T

ulukkap aappaa unga-sissumi nattoralik takuleramiuk qarlorpoq. Ilaannikkut tulukkat pillingajattut pissusi-lersortarput nattoralillu malillugit timmisarlutik, immaqalu tulukkap ulloq taanna pin-guarusunnermini taamaa-liornissani nuannarisinnaavaa. Ikuala nattoralip tungaanut qiviar-poq, tassangaannarlu tupaallalerluni. Takusinnaavaa Tuttup nattoralitigigaa, tun-giminnullu timmilluni ingerlasog. Tulugaq pillingajattut pissusilersorunnaaqquaa. Suniarnersormi paaserusuppaa.

Nattoralik qanillimmat Ikualap takusinnaavaa kiinaa ilu moorsaartutut isikkoqartoq. Nattoralik qeqertamut mippoq aammalu sulussuarminik kajortunik takutillugu Ikualap malissagaani. Ikualap paasilluanngilaa soog, paatsuungalaarporlu. Tassami ullualuit qaangiummata kingullermik Tuttu takuaa, aammalu tassani avannarpa-sinnerujussuarmiippoq. Ikuala inuulluaqquvivoq tulukkallu oqarfialugit takuss, nattoralillu tingeqatigalugu. Tulukkat sivirusnerulaartumik pinguaqatigisinnaannginnamigit uggualarpoq, kisianni aamma takusinnaavaa nattoralip malinnaanissani pingaartikkaa.

Sineriak sinerlugu avannamuinnaq nalunaaquttap akun-nerata ataatsip missaani timmippit, taavalu nuna qulaal-lugu timmilerput. Qorsooqqissorujussuit orpigarpassuallit pukkitsunillu orpigallit qulaallugit timmippit. Qaqqann-guaq qulaallugu timmigamik qaavalu qulaakkamikku Ikuala annilaanganartunik takusaqalerpoq. Pujorujussuaq qorsooqqissuniit qummuinnaq qaffakkiartorpoq. Sumiif-fik takusinnaasaa tamarmi pujumik ulissimavoq qilaap tungaanut qaffakkiartortumik. Pujog sumiiffinni assiigi-n-gitsuni qaqortuuvog, qasertuulluni qernertuullunilu.

Nattoralip Ikuala qaarsup qaavanut ingerlappaa. Tamaa-niippoq Tuttu sumiiffimmullu qinerluni. Ikualap aperaa susoqaleqinersog





Tuttu oqaluttuarpoq ullut ilaanni umimmappassuit ataatsimoortut pangalillutik ornissimagaanni. Uumasut taakkua eqqissimasuugaluartut kalerrisimaarput ersillutillu. Pujooq tamaat takutissimavaat, taavalu qimaallutik pangaleq-qilersimallutik. Umimmaat pujoq ersigigaat ersarissorujussuusimavoq.

Tuttup puortoq misissorsimavaa, paasisimallugulu tassami sumiiffik tamarmi ikuallattoq. Issut, paarnaqutit orpikkallu ikuallalersimapput, innerlu nunap iluanut siammariartulersimalluni. Taamaattumik inneq takuneqarsinnaasimanngilaq. Inneq orpikkat sorlaanniippoq nunallu iluaniilaarluni aamaarluni. Tuttup paasisimavaa tassasoq eqqaavissuaq inuit ikuallassimasaat, ajoraluartumik siaruarsimasoq pinngortitamullu ikuallatsitsilersimalluni, inuit paasinngitsoorsimasaannik. Taamaattumik Tuttup Ikuala aggeqqullugu aatissimavaa, innerup aqunnissaanut qaminnissaanullu ikiortiginarlugu. Innerup inuata Tuttup nattoralik aatilluni aallartissimammagu nuannaarpoq.

Taamaattoq aamma annilaangasorujussuuvoq. Siusinnerusukkut ikummatissanik ikitsisarsimavoq qamitsisarsimallunilu, inuit illuaqqami ikuallattoortut ikiortarsimallugit imaluunniit ikuallanneq annertunngitsoq qamittarsimallugu, kisianni siusinnerusukkut ikuallannermik taamatut annertutigisumik qatserisimanngisaannarpoq. Takusinnaasai tamarmik ikuallapput, aammalu ikuallattup minnerpaamik arsaattarfiit qulit angeqqatigisimagunarpai.

Ikuala silaannarmut qutsissumut tingivoq pujoorlu tamaat isiginnaalerlugu. Ikualap angakkuarsinnaanini tamaat piareersalerpaa. Qaammarpoq aammalu qalipaait assigiiingitsut arlallit qaammalerput. Allaangilaq ulloriarujussuaq arsarnernik qaammartooq. Arsaasat qaammarissut ikuallattup sinaanut eqqalerpai. Arsaasat qaammarissut inneq eqqorpaat, millullugu Ikualamullu inninngorluni uterluni. Ikualap inneq tiguaa aammalu inneq tigusani annertusiarortillugu angakkuarsinnaanera annertusiarortluni.

Ikualap arsaasat qaammarissut aallakaatippai aammalu nalunaaquttap akunneri arlallit pisinnaasani tamaat akiuulluni. Ikuallattup qulaani silaannarmi qatsissumi pujoorujussuarni arsaasanilu qaammarissuni nivingasutut illuni aatsaat taama sakkortutigisumik akiuuppoq. Ikuallattoq annikinnerulaalersippaa, kisianni aamma qasulerpoq. Arsaasanik qaammarissunik aallakaatitsineq, innerit tigooqqarneri ikuallattullu nakkutiginera nukkiornarisorujussuui. Tassanngaannaq tulukkat marluk taakkua Ikualamut timmillutik anngupput. Tulukkat taanna nattooralillu malissimavaat, ikuallattorlu takusimallugu. Tulukkat silatoorujussuupput aammalu pilersaarusersimallutik. Timmillutik nakkutiginnikkunik, Ikualap arsaasat qaammarissut sumut aallakaatissanerai oqaluttuussinnaavaat. Innerup inuata tamanna isumassarsiatsialattut isigaa, tulukkalu tingipput nakkutiginnilerlutillu aammalu arsaasat qaammarissut sumut aallakaatissanerai oqaluttuuttarlugu. Arriitsumik tulukkat allat takkussuupput ikiuullutillu. Taamaalluni tulukkat Ikualamut ikiuuttut hunnorujut sinnerlugit amerlassuseqalerput. Pilersaarut iluatsippoq aammalu arriitsumik ikuallattoq annikilliarulerpoq.

Innerup inuata ikuallattumut akiuunnerani ullut sisamat qaangiummata, taannalu annikillissimmagu, inuit qatserisartui sumiiffimmut takkupput, aammalu ikuallattoq imermik qatserlugu aallartillutik. Ikuala oqilialattorujussuuvoq aammalu Tuttup eqqaanut qaarsumut milluni. Ikuala qasungaarami qaarsumi sinngusarpoq, Tuttup inuit nakkutigigai.

Ikuala itermat ataatsimoorlutik inuit qatserisartui ornippaat. Qatserisartut aappaluttunik niaquarnaveeqqutillit aallaqqaammut inuat marluk takuleramikku ersilaaleraluarput. Taamaattoq ingerlaannaq takusinnaavaat inusiarnersuusut, taamaattumillu oqaloqatigerusulerpaat. Tuttup oqaluttuuppai ikuallattoq eqqaavissuarmi aallartissimasoq aammalu Ikualap qatserisartut tikiutinnginneranni annertunersaa qatsersimagaa. Qatserisartut inuat marluk ikiuunnerannut, pingaartumillu Ikuala suliaanut annertuumut, arlaleriarlutik qutsavigaat. Neriorsuipput siunissami mianersorneruniarlutik, neriutigalugulu eqqaavissuarni ikuallaqqittoqassanngitsoq. Tamanna isumassarsiatsialaasoq inuat marluk isumaqarput.

NUNARSUAQ TAMAKKERLUGU ANGUNIAKKAT.



NUNARSUARMİ ANGUNIAKKAT

NUNARSUARMİ ANGUNIAKKAT

7 piujuartitsilluni nukissiornermut tunngassuteqarpoq. Eqqakkat ikuallaavimmi nutaaliaasumi ikuallalugit kissarniliorsinnaavugut ukiukkut illunut kiassaatisinnaasatsinnik.

NUNARSUARMİ ANGUNIAKKAT

12 akisussaassusilimmik atuinissamut tunisassiornissamullu tunngassuteqarpoq. Nutaanik pisinigut tamaasa pisoqqat eqqaavissuarmiilertarput. Taamaattumik eqqakkatsinnut tunngatillugu aammalu suut atoqqinneqarsinnaanersut imaluunniit allanut tunniunneqarsinnaanersut eqqarsarluartarnissaq pitsaasuusinnaavoq.

NUNARSUARMİ ANGUNIAKKAT

13 silap pissusianut tunngassuteqarpoq. Eqqakkanik ikuallaanitsinni silap pissusia pitsaajunnaartarpoq, tamatuma CO2-mik annertuumik aniatitsisarnera pissutaalluni.

Eqqaavissuaq suunersoq, sooq tamaaniinnersoq aammalu qanoq iliuseqarfigisinnaaneripput oqaluuserisiuk. Pisoqqat igiinnarnagit qanoq atoqqinneqarsinnaanersut oqaluuserisiuk. Pinnguarlusi Ikualaasuusaaritsi, arsaa-sanik qaammaarissunik aallakaatitsinnaasut aammalu innermik tiguisinnaasut aammalu pinnguaritsi tulugaa-suusaarlusi Ikuala ikiorlugu.

**NUNARSUARMİ ANGUNIAKKAT
KORTIT BAMSIP KARSIANIITTUT
QAQIKKIT AAMMALU NUNARSUARMİ
ANGUNIAGAQ MATUMA SIULIANI
TAANEQARTOQ OQALUSERALUGU**

7 PIJUARTITSILLUNI
NUKISSIORNEQ



12 AKISUSSAASSUSE-
QARTUMIK ATUINEQ
TUNISASSIORNERLU



13 SILAP PISSUSIA
SULINIUTEQAR-
FIGALUGU

